

第六一七册

理學彙編

學行典

篤行部

隱逸部

(卷)

二七—二五

二七—二五

古今圖書集成

中華書局影印



古今圖書集成

中華書局影印

欽定古今圖書集成理學彙編學行典

第二百四十七卷目錄

篤行部名賢列傳十五

明八

薛志禮

王永昌

董環

尚實

李時和

王宦

李思桂

李游春

呂成英

蕭恩

田泰

劉德和

蘇景

王昇

沈瑄

張時仁

王義

艾試

王玘

張楫

郭夢疇

王訥

張調元

趙祿

鹿惺

王容

王自然

甯貞甫

李金佩

王國祚

徐恭

劉寧

胡世臣

劉繼憫

蘇湯宇

李恆

馬雲先

陳良才

潘應聘

安順理

韓公揚

李瑒

王澤霈

韓瀟

張泰來

張尚志

王雲鵬

李反觀

王子通

王瑛

何東魯

秦擎

王克謹

康濟民

董朝宗

畢木

李汝清

李進孝

鄭汝進

馮章

邢如約

孫福成

周大備

石福

李錦

趙禧

焦文傑

郭鯤

李統

黃玉

李尚思

周琮

于化龍

張騰

李夢華

劉仲良

王達

張統

趙永祿

李旻

龔彪

高汝登

劉珂

唐思仁

耿溫

王伍

李芝

許自安

劉觀

孔公郁

王聰

馮士衡

王君寵

王珞

劉實

石瑛

李昂

李相

鞏宗玉

王道增

王鰲

王謨

周乘運

叢思弘

周繼祖

左文昇

趙悅

王璘

溫明先

宋積

尉世傑

郝如金

林葵

學行典第二百四十七卷

篤行部名賢列傳十五

明八

薛志禮

按定興縣志薛志禮茂才通載記以舌耕館某所有誤遺百金於門者竟去志禮得之不忍歸廢午餐以待薄暮其人至疾呼覓金遂付之蓋大戶以納官者人以卜薛氏之昌矣

趙祿

按定興縣志趙祿河內人以資雄里并其爲長者有上式風人稱爲趙君惡少年罵詈趙君屬戶待之更持酒謝曰得無勞乎惡少年大慚終身不敢見正統六年饑傾家廩七百五十石佐賑事聞降勅旌爲義民勞以羊酒盡復趙氏役三歲勅藏其家

王永昌

按樂亭縣志王永昌賦饒屯人例授省祭官家富好施能周人急助人不給鄉人稱貸欲多得者卒以田廬爲質久之多負而轉鬻昌卒不計較不下二三千

金由是囊亦薄嘗捐地爲義塚其輸粟輸金輸工役以佐公家者不可勝計比既病前令命其子督建神祠門昌屬之曰吾家力猶可辦何以督爲所費盡已出識者避之輕財重義類此亦晚近所難

鹿惺

按定興縣志鹿惺江村人年少時多力而尚義每救人之難有推解之風一日赴市歸日已暮見一醉人枕囊臥車轍中二兒人遠伺之將爲不利吐之去因呼其人而問之知爲賣網巾者腰有重貨路逢覆車飲之酒而醉計途尚遠恐爲二兒所尾及因扶送之店財與貨毫無所失人高其義子二善政登丙子賢書善平貢士皆慨爽有父風

董環

按定興縣志董環冊上村人途中有狼幾爲所窘過二里許遇一婦人攜兒至環曰前途有狼婦謂其嘲己也詈罵而去環行半里默付曰此婦人定遭狼之毒口當同救之婦正爲狼困下馬令婦人騎之代攜其子一手挽鐙狼猶追不舍夫臨難救人勇者不難被罵而不含怒此則過人遠矣

王容

按定興縣志王容大溝村人以賣豆腐爲業一日於道旁拾錢三千坐守待其人還之其人感激欲分其半不受年六十祝髮爲僧九十六歲始卒

尚實

按定興縣志尚實官省祭尚郴州之父樹柳數百株圍如斗遍粘招帖貧而無棺者擇伐一株不一載而林濯濯後至者無以應每折銀五錢如是者三載家

影而止

王自然

按新城縣志王自然泗莊村人樸實無偽好善有餘年七十餘足跡未涉城市施數千斛賑村舍老稱捐銀百兩修石橋蒙旌表

李時和

按新城縣志李時和紫泉社人施地十畝爲義塚

甯貞甫 王宦

按新城縣志甯貞甫坊市社人王宦擇畔社人俱施地十畝爲義塚

李金佩

按新城縣志李金佩衣錦社人每遇兇歲捐穀賑濟鄉宦劉公路遺銀二十兩卽送還蒙旌獎

李思桂

按新城縣志李思桂少陽社人輸財施藥拆牆讓路鑿井飲人施棺施粥屢蒙旌匾

王國祚

按新城縣志王國祚沙溝村人捐席埋溺施米賑饑修橋利濟捐地養孤屢蒙旌匾

李游春

按新城縣志李游春三世同居一門和順施糜寒月貸濟荒春年踰六旬

徐恭

按博野縣志徐恭居邑東南淋溝村路旁灌園有大戶袋銀二百兩置銀樹底飲水遺去及晚方覺從故路號泣奔過恭偶不在園追年餘復過此飲水語及失銀事恭卽出銀還之卽叩謝欲留一半恭分毫不

受其人顧祝曰願徐氏子孫昌熾孫諱鸞諱鳳一榜齊鳴曾孫諱行舉進士官至河南左布政元孫諱聯芳亦舉進士入翰林修撰仍孫諱宏舉孝廉授知縣其餘茂材明經二三十人至雲孫諱名鏞等七代衣冠可驗還金之報至今博野有還金井題榜其遺跡也

呂成英

按博野縣志呂成英素孝友撫姪孫呂樹新等濟貧苦數百人知縣匾曰一方善士主簿匾曰仁壽義官

劉寧

按容城縣志劉寧輕財好義以耕爲業信義自持歲荒皆罄滿野皆築埋之遇饑則救急之有扈文進者老而無依延置於家五年禮敬不替疾復療治卒擇地以葬所遺金帛悉緘付其子邑令作義士歌以美之

蕭恩

按容城縣志蕭恩少貧好義家稍裕煮粥活人甚衆捐地三畝爲義塚不能葬者助給之

胡世臣

按容城縣志胡世臣以先業萬金讓二弟性慷慨好施助里人婚葬甚衆

田泰

按蠡縣志田泰在城人有劉強遺柴夫銀十五兩於城外泰拾之求而歸強欲與其半竟不受

劉繼惻

按蠡縣志劉繼惻多藏好義施藥餌建義塚歲凶給鄉鄰以粟免于逃亡四方流落者日施一粥俾免於

餓復捐穀百石以備賑輸錢數萬以造橋知縣申請旌表

劉德和

按雄縣志劉德和幼知讀書通大義孝友姻睦發於天性而賦質剛果疾惡如仇元季遭達朶兒只之變見守將有二十三人轉徙他邑捕獲將斬德和力辯其無辜既辯則已戮其一矣歲大歉人賴草剝樹以食相枕藉死德和乃漁河取魚雜糜烹之以給餓者活數千人

蘇湯宇

按蠡縣志蘇湯宇號寶慶恩之長子以歲貢任河南儀封縣訓導性至孝父病割股膏養撫育庶弟成立俱入泮有青縣任性浩與湯宇交好性浩以三百金寄貯後夜被盜室中之藏幾罄獨此金尚存黎明即馳還之有友死不葬助之冬金復割地八畝以襄其事又故人妻貧捐一年之廩餼而戚友倡率賴以贍養其孤疫疾盛行憫尸骸枕籍盡伐家園大樹三十二株為棺以葬之施義塚十餘畝凶歲斗米二兩盡出所蓄穀七十餘石以賑其高義實難磨滅而父子相繼行善俱出自然所當亟為闡揚以勵末俗也

蘇景

按雄縣志蘇景善刑名多陰德恆生其人而不責其報一日其子出拾得遺金景命往候之失金者果奔號而來遂驗還之子登第咸以為陰德之報

李恆

按雄縣志李恆庠生博學貧苦早出拾白金一袋候於門少頃有吏人王振者呼號狂顧恆詢之乃失柴

夫銀一百八十兩恆即畀之封識宛然臨貢而卒卒之日無以為殮其子若孫俱庠生貧窶尤甚不知天之報施善人將何如耶

王昇

按定州志王昇西馬人性好施北關安濟橋傾壞捐金二百餘兩重修已銘碑記復捐金修城隍寢宮遇有疾病者往往稱貸以全活之歿之日田間人親觀其衣冠乘馬擁衛而行至今里巷稱其神異

馬雲先

按定州志馬雲先字顯夫西馬人素饒于貲憫鄉里為水害所患獨資鳩工挑濬曹河數十里水得順流東下田不被害鄉里世食其德宗戚中有貧不能葬婚不能娶者往往助給之至梵刹傾頽橋梁圯壞無不捐資修理子騰龍登丙子賢書

沈瑄

按安州志沈瑄字庭美平生有行誼性好施予周急助葬又置義塚借貸者盡焚其券後裔發科者三人

陳良才

按安州志陳良才富儲人賦性耿介母病五日不食將冬拾綿衣三件內錢數緡趕還本人貧不能葬助以棺捐金修朝陽寺真武廟郡守何請為鄉飲賓

張時仁

按安州志張時仁在城社人賦性好施助人婚喪時值大祲道殣相望日率家人持草席親負鋪以瘞之兵燹何榜其實於申明亭用示激勵云

潘應聘

按安州志潘應聘生員民樂子貴雄於邑好善樂施

值歲饑散糧百石焚券千金胞姪二失怙恃撫若己子娶妻析產闡學公舉德行焉子淵膺恩貢孫植登賢書人咸以為天之報施善人云

王義

按涑水縣志王義河鄉人孝弟節儉嘗赴縣見路遺絹囊中有白金二十錠守而弗去遺物者至即全付焉又嘗行桑間聞盜葉聲斂身退慮為盜者羞明日盜媿謝及沒鄉人立碑頌德

安順理

按濟南府志安順理淄川人性恬退與人無競有里人售田得錢去已復毒其妻詬於門即以田歸之仲子令武強迎養官舍問讞獄有平反則色喜否則輟食傍徨立既受封章一御輒卻曰食人之食者受人之事乘人之車者分人之憂一田舍翁何功於上而服此稱封君十餘年屋不加楹田不加畝而急人之難未嘗以無為辭其為長者行類如此以子仲封文林郎河間知縣以子傳贈刑部員外郎再以子仲贈太僕寺少卿

艾試

按濟南府志艾試濟陽人醇厚質亮且多遠略樂義好施里人仰之嘗耕於野而遇覆畝若宿藏者立呼鄉鄰畢至乃發之則空中焉人服其識量

韓公揚

按濟南府志韓公揚字恆庵淄川人監生授中書舍人少以文學顯乃遊太學日斥財毀家以助大農之急歸里後課子耕讀嘗擁書萬卷志慕古人乙卯歲祲賑粟煮粥所活無算於村北孔道砌石梁以通來

往行人目爲韓家橋云尤深于性命之學卒年八十餘高司寇珩誌其墓子冲成進士

王玘

按濟南府志王玘禹城人以錢物貸人或不能償亦不過督察尤不及者仍周恤之故縣民無論識與不識皆尊爲丈人行縣廉其行請入鄉飲後其子弼蚤故媳相氏守節勅賜旌表

李琚

按濟南府志李琚字汝佩霑化人舉進士任戶部主事遷員外尋改工部國家建置多所節省有邑人舊與同遊卒於京師琚捐俸置槽出衣殮之時貴弄權下令云天不雨是京城寄柩爲祟可悉焚之琚夜備人潛移郊觀中仍賄觀主俾祕之獲全

張楫

按濟南府志張楫霑化人甘貧嗜學歲試以犯規爲督學所黜即拂衣出督學奇而復之有同里李某者隣其衣敝欲遺新縐易之楫曰汝父曾負吾家百金券今存吾不置慮豈愛汝一新縐哉李愧謝後貢授沁州訓導

王澤需

按濟南府志王澤需齊河人操行嚴介雅好施予不惜傾囊濟人艱苦見人構忿必和解之以子宮臻贈文林郎入鄉貢

郭夢疇

按濟南府志郭夢疇濟陽人鴻臚寺序班以子輩封文林郎兵馬指揮嘗慨義士郭英所鑄祭器化爲烏有因捐金五十兩更鑄銅豆一百銅爵二十五送學

貯庫以供釋奠復捐金五兩塑先師暨四配十哲復捐曲堤莊田一項送學供貧士燈油曲堤鎮有聞韶臺日久崩壞疇復捐鎮莊田十畝以供修葺

韓瀟

按濟南府志韓瀟淄川人遙授上林苑署丞偶儻慷慨重然諾好施予乙卯歲大賑捐粟千石以賑饑民一時賢士大夫翕然推重

王訢

按濟南府志王訢濱州人居喪不入私室嘗出白金五百兩助修文廟凡長無妻死無棺者助以材木衣幣每遇骸骨暴露者斂而瘞之

張泰來

按濟南府志張泰來字伯開淄川人遵父命捐修石城又以節省銀修葺學宮教諸弟子嚴而有法凡親知貧不能葬者輒周恤之饑年減價糶穀收養棄兒掩骼及遭父喪祭葬如禮

張調元

按濟南府志張調元字少虛齊東人隱居負節俠讀書萬卷有捐金還故主閉門却嫌姝二事真古隱君子里中號貞義先生

張尚志

按濟南府志張尚志利津人母疾旦夕待榻旁數月不解帶居常輕財樂施戚黨王守義劉信貧不能葬輒爲營其葬事有劉崇諸人常寄食其家賀天福凶年鬻女既而還之又令其子廩生張閭出饋廩創義倉以贍厥宗會疫疾盛發死者踵接則拾棺殮之義聲著焉盜有窺其鄉者義之相顧曰莫驚此老翁嫗也

也

王雲鵬

按濟南府志王雲鵬霑化人客冀州途有遺金鵬守之以待遺者不至詰旦復守之卒還其主後歸騎黑馬盜尾之行相遇若不相見反問鵬曰爾見黑馬客乎鵬知其追己也給而馳去若有神護之者

張騰

按濟南府志張騰字化人與張守禮交借禮四十金禮疾作且死囑家人曰吾負騰矣吾死可舉田宅償之家人如其指騰毅然曰人亡帳卽亡耳田宅何爲取袖中券裂之

李反觀

按濟南府志李反觀字守詹霑化人性好急人之困晨出見有抱柱而脫水者問故其人曰負官錢欲死此耳適袖有數銀收市米卽探與之其人泣謝而去卒後邑人諡爲康義先生

李夢華

按濟南府志李夢華字汝實霑化人嘗與友人數輩訪妙相寺一僧華適入門僧方擁一小婦飲見華惶急第呼曰來來華笑反手閉門謂友人曰師乃不在去之僧避華既不至然亦絕不聞有人知其事後二十年僧會華家葬事當受繪返而言曰厚德人不報華問故則曰二十年前事忘之耶曰竟忘矣聞者益嘆服長者以貢爲教官其孫魯生成進士

王子通

按濟南府志王子通字予懷信陽人樸誠渾厚通邑稱爲長者一日適野小兒竊其田粟岐路趨避恐其

驚墮貧民稱貸久不克償為券家所窘傾囊代完其輕財尚義類如此任在平訓導卒官于恆標

劉仲良

按濟南府志劉仲良樂陵人捐百金修三橋收養七旬寡婦劉氏李氏知縣王登庸獎之

王瑛

按濟南府志王瑛濱州人有德器崇義好施視民間疾苦若己身遇啼餓號寒者必周之使得其所歿後士民思慕之孫綸綬皆登進士第為名諫議

王達

按濟南府志王達字士禮淄川人嘗詣縣於途得遺金三百餘兩守竟日無覓者為投之官今日李世安所得爾天固將賜令子張而宗矣同居四世家人百餘口不異爨不聞閒言下逮童孺各蒸蒸盡其歡泊子崇義為全部尚書部出簡中州刑便道省父時達已染疴崇義戀不欲行迫之曰第往訊獄平允民無所冤而忠即孝也竟遣之去去踰月遂不起後崇義以高節名於世孫曉復有聲於侍御

何東魯

按濟南府志何東魯泰安人由歲貢歷任南陽府教授蚤歲喪父事母以孝聞撫育內弟崔訓成立悉還其產族有不給者即調之雖至自匿不顧三仕學博見學官及祭器殘缺每出金修補貧生不能婚喪量為補助

張統

按濟南府志張統萊蕪人天性謹厚尤好施予捐金首倡修學歲置棧數十助貧喪不能舉者又於荒歲

助牛力耕種令民不失業獎之

秦肇

按濟南府志秦肇萊蕪人嘉靖壬子歲饑民走荏村中者甚眾肇泣諭曰若等何自苦吾能活汝悉出家粟賑之民不為盜又捐貲修文廟戟門士類重之

趙永祿

按濟南府志趙永祿萊蕪人任太醫院吏目賦性樸實有古人風嘗捐地百畝為學田以贍寒士歲饑輒輸粟百餘石賑濟全活甚眾又為里甲置宅一所充傳舍市馬數匹佐走通之不逮者生平為德于鄉家以此破至歿無悔心焉

王克謹

按濟南府志王克謹號春臺長清人嘗道見一少婦為惡少所窘詢之乃知其為夫讎而訟者謹為周全又有李姓孤孀為里胥報倭為大戶母子將欲自盡力為之請免後官安丘土寇張國柱倡亂與馬給事率士民巷戰城以保全兩任學博出俸餘以贍貧士

李旻

按濟南府志李旻長清耕叟也居家孝友歲歉穀價騰踴獨減價出糶一方民命賴以全活

康濟民

按濟南府志康濟民章丘人事親能先意承志有少婦會避盜園中遇高垣呼濟民援之濟民念即急不可廢禮命童子梯下之為刑省掾同舍掾有大醉而夜遺金者濟民晨起出所遺授之邑人高其行稱曰康懷朴云

龔彪

按濟南府志龔彪章丘人少時嘗為縣官輪租詣京師見遺錢百緡於道彪致之車中逆旅人私之曰孰與易之金而囊中裝為便逆旅人固進彪固謝乃馳及遺錢者下自致之輒超乘不顧而去又嘗代宗償粟三十斛即收債者亦不知為彪粟也其好施不自德類此

董朝宗

按濟南府志董朝宗青城人歲荒出粟救饑民都御史袁義之獎以示勸

高汝登

按濟南府志高汝登字自卑淄川人生而聰穎嗜學事親以孝聞贍宗族親戚惟恐不及禾稔或就田間取之不靳也有田四千畝盡佐施予而家鮮擔儲修學宮殿廡首任其難者修五里橋靈虹橋欄再易不吝費焉車馬器物悉以供閭里用甚至通相用不問也自俸儉衣履不敝不更行于途履石棘必躬自拾取置道旁以利後來者持身忍讓子姪有不彈人一指諄人一語者撫其頂曰得此善根足矣且日先寅起伏拜庭下已斂神正襟思諸所為善事蓋鷄鳴孳孳也年八十無怠日無疾而終祀鄉賢

畢本

按濟南府志畢本號舜石淄川人讀書多妙解補增生再困棘闈年甫三旬遂棄青衿不復顧事父母竭力承志務得歡心及歿儀節悉倣家禮又立祠肖遺像并肖己像侍側如事生儀歲時率子姪瞻拜立責善傳朔望分別登記其序略曰父子之間不責善子與氏蓋激於父之懷諫子之非類者言之中才之養

幾諫之事亦何莫非善用其責善者有子八人二登甲一登科一明經一食餽餘青衿皆莫不痛自砥礪居爲良士出爲名臣庭訓力也中遭家難厲行爲讎所整木毅然禦侮不憚跋涉千里拯出于危者三人平生自矢以不居閒不放債不攻煤井三事守之終身里人貨粟值歲歉焚券可數百緡晚號黃髮翁著有黃髮翁集行于世

劉珂

按濟南府志劉珂齊河人時流盜破城執珂及其子縛以刀恐之使索婦女珂曰徧城皆我親故你寧殺我賊怒先以刀斷縛臂珂憤罵益厲縛於世科坊殺之

李汝清

按濟南府志李汝清泰安人伯父豹家千金無子一女適劉蒿豹疾篤囑清曰吾產若與蒿共有之豹歿殯以禮諸所遺資悉讓蒿雖身屢空自樂也自少至老不苟嘖笑色無二御與物無競有展禽之風焉

唐思仁

按濟南府志唐思仁淄川人重詩書家貧好施里人號曰唐佛里人有債不能結或相爭卽代爲結之見無衣履者卽解所著衣履與之所乘馬逸見者卽爲收羈曰此唐佛之馬也暑月設漿通衢飲餓渴者踈徑有不平爲平治以便輪蹄冬治煖屋宿無衣者臘月煮粥飯飲人門設大竹桶人一杓嗣後臘日施粥遂以爲家訓傳再世子孫多人膠庠至曾孫檢討夢寶卽以臘日生鄉閭或以爲徵云

李進孝

按濟南府志李進孝新城人幼有至性好施予己卯大旱出粟濟衆不計親疎

耿溫

按濟南府志耿溫新城人好儒術樂施予負欠者輒焚其券常拾解戶劉陞遺金三百兩卒還其人里人以是多溫之諠稱陰德翁至孫錚曾孫鳴世日益貴顯

鄭汝進

按濟南府志鄭汝進新城人兄弟八人友愛終身無間丙辰大饑出資濟貧遠近全活者甚衆子獨復薦鄉書

王伍

按濟南府志王伍新城人性孝友尤好施予門前植槐一株時作糜哺餓者諸餓者以次坐戶外受糜掛笠于槐杪杪如也歲旦禮神盜撤其屋椽伍遂自撤其椽以二與之一貧生某窺伍寢穴壁伍從燈下望見之曰何至此遺粟數斗竟隱其姓名行出與教寺得遺金無從還乃盡爲糶粟會明年大饑發所藏徧給乏者一日鄉民李學過城隍廟侮神忽身舉去地若懸苦甚衆爲禱則曰若無爲須王善人乃可耳衆請伍往禱辭未畢其人已無恙識者自是已卜其後之必大矣至今海內閭閻皆稱爲大槐王氏云

馮章

按濟南府志馮章禹城人一日早起會遺囊在地守候久之卒無至者攜隙處發視乃白金三百兩遂密藏其金仍候其處果有號泣覓金者章詰其金數與己所拾者無差卽取金與之其人欲分與其半章曰

我與其有汝之半孰若不與爾言寧不盡爲我有耶其人感謝而去咸高其義云

李芝

按濟南府志李芝臨邑人行義散財視人緩急如己不私一身一家任縣絲綫三十年費以鉅萬計卒至困憊中歲爲林縣主簿未幾卽歸至今稱善士者必首李芝云

邢如約

按濟南府志邢如約字信甫臨邑人事兩兄推誠盡禮終身不分著子侗成進士每教之以清廉歲以農入佐之諸如繕學宮哀憫獨瞻宗戚還田宅瘞死婚生焚券罷債遠近仰其德者咸曰邢佛年九十一終里謚莊惠

許自安

按濟南府志許自安臨邑人家貧落魄千里赴義不漫爲然諾嘗遊秦岱道出於濮路拾遺錢置笥中榜四衢曰有遺金在此幸來認取果有主藏吏李遷徒跪求曰此官錢也爲錠二爲件十二爲數六十有四自安出錠與衆驗之而信舉還還分其半爲壽自安笑曰自安身雖貧不肯以不義之財自浼一時咸稱義士

孫福成

按兗州府志孫福成單縣人天性慈祥里有婚喪貧不能舉輒分資助之常種瓜數畝以給行旅門前植柳數百株當盛暑里中牛羊多憩其下福成乃汲水飲之物馴若以爲主渴卽往求烏鵲巢其樹殆以萬計人以爲仁愛所致

劉觀

按兗州府志劉觀東阿人少時家貧力苦居積嘗致百金適遇歲饑盡取其金糴穀以賑之已而又積輒又施予已乃復貧其後子孫貴顯累世爲邑鼎族

周大備

按兗州府志周大備字文郁金鄉縣庠生侍養二親讓宅與弟居恆父子昆弟間責成甚至遇橫逆怡然受之絕不與較建橋梁以濟人置祭田以祀先且贍宗族之貧者以子永春貴封禮科都給事中益自刻勵恂恂無異布素却苞苴絕請謁月旦高之

孔公郁

按兗州府志孔公郁曲阜人至聖五十八代孫家頗富饒雅好施予值歲大饑出所蓄粟千石散于鄰封淮南大祲郁載麥千斛往輸于官以賑之當道義焉奏賜爵歲給與皂米肉

石福

按兗州府志石福嘉祥人端謹忠厚爲社老人晨行宅後見青蛇蜿蜒地上尾之至一處蛇入土中不盡者數寸變而爲錢福白於官掘之得錢數百萬官以數萬給之福辭不受爲表其事紀旌善亭

王聰

按萊州府志王聰字彥達掖人居鄉好義值歲饑常煮粥以濟貧民死無所歸者葬之鄉人感其惠後聰由國子生任上林錄事子孫相繼登科

李錦

按萊州府志李錦平度人家貧丐於市偶拾遺袋甚重明旦一人號於途云夜遺一袋貯銀百餘兩錦驗

實盡還之略無難色其人願以半謝錦笑曰我貧人勿以相累事聞遠近嘆服

馮士衡

按青州府志馮士衡字宗遠益都人少岐嶺端重淹通經史恥爲俗學九入省闈弗售以貢令湖州之孝豐邑稱善治邑好訟衡政清刑簡免其科罰逾年邑大治俗溺女衡用蘇文忠法盡革其舊習歲暮宿嘉興郭外值夜大風舟盡顛覆衡令曰拯一命者重給之賞于是長年爭先往救商賈七人皆得活衡賞之盡篋中金嘗建儒學高閣曰奎光自是士人多捷去捐除山餉四千金而里社始得休息居官凡七年擬大用未果歸事父最孝撫子姪輩最慈勤學問多著述子溥以翰苑官大學士德業文章擅海內人以爲厚德之報云

趙禧

按青州府志趙禧字元吉號佑佐益都人爲邑功曹獨持寬厚有被官重刑者所讎猶從旁庇之人莫敢視禧爲療治於彌陀寺得不死甦而問姓名匿不言後爲文水丞有上舍以賄進斥其使布令邑中爲誠歲饑佐長令賑貸又私治粥食餓人永寧以南初被寇暴骨如阜禧遣人持斧鋤瘞骸無算上司擬薦用會母老亟請休致民留不得爲肖像祀之後立去思碑於縣以識遺愛癸巳大饑煮粥以食流移全活甚衆識者謂有陳太丘王彥方風範季子秉忠以戊戌廷試第一人及第

王君寵

按青州府志王君寵臨淄人家貧讀書未就居廩市

出入公平樂安商人耿宗政宿其家遺金三百兩而去寵守金以待次日宗政來寵慨然與之宗政出金爲謝寵誓不受宗政深感其義報縣旌表匾其門曰義士

焦文傑

按青州府志焦文傑日照人襲南京旗手衛千戶爲人抗直不欺主簿吳密以百金寄傑一旦暴殞家人覓金失所在傑還之仍護其喪歸通州

王珞

按青州府志王珞諸城人捐粟賑饑縣旌義民

郭鯤

按青州府志郭鯤沂水人負俠氣輕財樂施賑人之急家因中廢貧如洗道拾遺金一囊即取而還之其人分金謝不受

劉實

按青州府志劉實益都人委修萬年橋苦心經畫赤足立水中冬月不輟不受夫役一錢橋成壯觀皆其功也

李統

按青州府志李統樂安人少潛心學問不羨榮利隱居泮水河干少孤每晨昏必依先塋展拜里中大爲感動抄錄陰騭書成帖積粟千餘石助人婚姻閭邑重其高節年九十終

石瑛

按青州府志石瑛字文玉益都人由選貢仕澤州吏目村直剛嚴不詭隨於俗家世豐裕性好施遇歲歉作糜以贍邑里全活甚衆後值瘟疫死者藁葬不給

拾棺千百餘以瘞老而無子者捐資納室賴有後者十餘家造皮履以施負薪作木桶以惠餅汲少年不作家產者則擊以杖閭里恆愛慕而嚴憚之其子銘孫存仁存禮會孫麒麟鳳琚銘元孫茂華繼節繼芳皆通顯人以爲積德之慶云

黃玉

按青州府志黃玉字君佩益都人世居城東三里莊業農廣田千畝耕植有方歲入除公賦伏臘外悉周親友閒貧不能葬娶者街衢橋梁多所助濟偶道拾遺金慨然不樂遍覓其主給還之其存心類如此刻意延師教子孫日持大誥孝經訓之鄉達咸推重其爲人年八袞例冠帶郡守慕其德親造其廬延致大賓八十八終

李昂

按青州府志李昂字彥章沂水人恢廓尚義流賊之亂保聚一鄉免於兵革性尤諒直好施鄉里有爲不善者惟恐其知也課子若孫皆有禮式所居鄰境皆尊仰之內外孫百餘人以科第行誼顯者甚衆壽九十四而終子九歲貢士爲縣倅亦以孝謹稱壽九十一

李尚思

按青州府志李尚思字希聖樂安人稟姿寬厚敦素好學不修邊幅專以平心濟物爲事馮可教貧生也少同學書老而寒餓思迎之家衣食之每飯與同席病則親視之相依者二十年思病且危馮偶他出家人請後命思泣然曰吾無所憾獨恨不得與馮生一訣耳彌留者竟日已而馮聞病奔來思執手一笑而

逝馮大感慟立觸堦仆地昇至家即日死諸子先葬馮而後殯思人皆感歎于中立登庚戌進士

李相

按青州府志李相字君卿諸城人清修峻範本於性成勤學好問汲汲不暇無書不讀而尤邃于禮卒領鄉魁常客於親識以妓娛賓辭謝弗獲即攢眉而出終身不入其家會試時與友同旅囊其友不至終日不食友感其高誼願以兄事之常徒行跬步不失尺寸倉卒遇雨猶從容不改常度或訾之答曰吾衣可濡敬不可忘其宅心守身類如此

周琮

按青州府志周琮諸城人世居縣南石橋店爲人喜怒不形能屬詩文動循禮義與人無忤壽光布商宗子義遺白金三十餘兩於途琮拾得盡還之子義願分與半琮堅拒不受其入感謝而去

鞏宗玉

按青州府志鞏宗玉莒州人居近公冶長墓見其圯磬產修之因貧困守墓祠死

于化龍

按青州府志于化龍臨淄人慷慨好施縣令朱卒於任貧不能歸龍助棹車費還葬後朱子狀元侍郎朱之蕃感而作傳

王道增

按登州府志王道增福山人性誠直弱冠事父母以篤孝聞儼好大略不避艱險東島初設鎮海運入堙石城屯衆嚴冬食絕幾危增鑿冰通道齋糧以往全活萬餘命王申郡變福邑逼近幾不保增輸粟倡

守城賴以存客關寧時糧匱兵譟慨以千石給之不責償進士周試爲惡黨擊傷殆斃令壯士救出及死葬窪濕處爲卜地改葬之生平內無匿情外無諱事見義必爲喜施不厭教子騰成進士舊例有牌坊車價銀兩增力辭不徵閭閻感之年八十有二臨終惟以忠賢爲遺命無一言及私見今子孫繁昌人以爲盛德之報

王鰲

按登州府志王鰲字濟之登州衛人少以副旗從方山之役其友吳姓者爲賊所傷鰲收其骨以歸嘗客越得遺金數錠竟還之受蔣氏張氏遺孤之托俱不爲負子言責鰲年七十餘與妻並封人以爲積慶之致云

王璘

按登州府志王璘棲霞人當流賊橫行避難自遠方來者慕義投璘悉爲館穀張賢疾卒斂如所親一卽墨人卒璘棺斂之仍招其子扶觀歸

王謨

按登州府志王謨璘子有族人被毆自經犯者夜餽百金謨力辭不較友人秦章誣配過邑謨助月糧五石鄉曲染羅教謨勸化悉改奢靡游俠見謨斂戢愧心後貢爲陽城訓導

溫明先

按登州府志溫明先招遠人家甚富饒敦尚禮義年饑出粟濟四縣窮民焚券不索價有賊入竊粟明先覺使人召賊復與之粟賊叩首而去後子孫科甲綿延

周乘運

按登州府志周乘運登州衛人有閩人堪輿朱西岸者疾篤遺金八十餘兩寄授其子至則封識宛然俾其扶輓回

宋積

按登州府志宋積萊陽人純篤好善煮粥賑饑全活甚衆病者療理死者焚瘞馨廩竭資不少靳以子徽貴封御史

叢思弘

按登州府志叢思弘文登庠生禋行直方克敦孝友每中夜焚香虔禱母壽北堂暮齡康頤人以爲積誠之驗常梓布感應篇敬字紙文勸諭里黨至性惻怛樂施不倦尤好放生掩骼鄉人慕之

尉世傑

按登州府志尉世傑萊陽人天性淳朴言行不欺行貨江南被執入山時有同鄉二人已先被執傑泣謂賊曰願取金以贖三命賊許之及下山賊悔其給俄而傑果貸他賈銀至賊義而釋之

周繼祖

按登州府志周繼祖萊陽人有修虎者以金四百假豪於繼祖流賊破城執繼祖盡劫其資賊退完金歸虎虎曰僅以身免寧復有金繼祖曰背友全身所不爲也後記其事于旌善亭

郝如金

按登州府志郝如金棲霞人跣足百步取神水愈母疾虔事兄却束脩以資貧乏醉人臥冰上解衣活之助林鳳桐母妻回籍後以選貢貳忻州子潔登進士

左文昇

按登州府志左文昇萊陽人質實不欺有周繼先以鈔錢二百緡托昇轉貨約利二分後價騰得利一倍盡以付周又嘗誤市假銀十兩僕持以給他買市之昇曰人既誤我安可誤人急追還之匾於旌善亭

林葵

按登州府志林葵海寧生員拾遺金二十兩盡歸之金主州守沈鉞表曰義士

趙悅

按登州府志趙悅蓬萊人鄉舉除陝西鎮番衛經歷決獄能悉其情人多推服及歸惟圖書衣衾安貧重義足不履公門鄉評賢之

欽定古今圖書集成理學彙編學行典

第二百四十八卷目錄

篤行部名賢列傳十六

明九

張延光

陸儒

趙秉常

杜廷相

徐聰

耿垣

孫士堯

聶文秀

朱成

吳江子慈

傅一善

趙含玉

蕭湘子愚 慈

李之矩

馬國驤

卜璠

徐遠

杜環

李景星

徐鯨孫行

高仲光

王馮

唐有光弟有為 有智

方俊

盧顥

郝本彰

高瑾

投相

周公直

王忠

李用

譚澄

黃廷用

趙若豹

王尚濟

王思齊

李疑

王指揮

鄭典

武駒

李曉

何岳

劉蒼

施美玉

徐思仁

馮篤初

翟暈

張準

馬瑤

潘煉

孔尚質

徐佩

周健

沈令譽

李志學

徐孝祥

張炯

王室

劉倣

王芳

張曉初

黃老人

錢顯忠

薛鏞

施鳳

沈圖南

范昌世

俞泮子尚志

張文光

楊大深

歸德明

王維屏

季儒

莫世英

學行典第二百四十八卷

篤行部名賢列傳十六

明九

張延光

按登州府志張延光登州衛人歲貢賦性狷介言行不妄所得廩餼與兄姪共而家益窘嘗拾遺金五兩候其人還之督學屢旌賜匾

唐有光弟有為 有智

按登州府志唐有光弟有為有智福山人父早逝兄

弟同居竭力供母家貧仗義遇婚喪無藉者周給之拾遺金詢其人還焉

陸儒

按登州府志陸儒字聘卿登州衛人年十二善屬文補郡庠嘗赴省試宿逆旅客有遺囊儒令從者追數里與之父友滑縣丞卒於官不克歸儒贊于父資助歸鄉平生才姿敏穎所著有可言集

方俊

按登州府志方俊登州衛人母病四十日不就寢食百計求愈兄命析居泣數日家資義讓早行拾金銀首飾立候還之人稱真孝廉有司匾其門

趙秉常

按登州府志趙秉常字宗德蓬萊人以歲貢授詩嵐訓導學以躬行涵養為先士類有不能婚葬者輒捐俸給之陞昌平學正

盧顥

按登州府志盧顥字汝昌蓬萊人質直好義為鄉評所重人有忿爭顥為分割無不服善騎射嘗客遊京浙囊弓矢自衛過昌樂有畢氏兄弟二人為賊所掠號泣甚哀顥憐之因問賊所向躍馬追及之賊三騎與顥野戰顥連奪其轡俱生擒送昌樂縣畢分資之半為謝顥曰吾豈為利耶辭去

杜廷相

按山西通志杜廷相大同人通書史曉世務立志不仕隱身于農其言曰臨民之事非涼德可干吾姑為其藏者天不負吾當貽之子孫耳為人百行醇備其大者在拒鄰婦還遺金鄉人有不平輒就直之一言

胥服四壁蕭然晏如也朝夕課子後多以詩書顯

郝本彰

按山西通志郝本彰號顯吾安邑人少列邑庠即棄舉子業博覽群書教授生徒事繼母孝待異母弟嚴而和家貧樂道一介不苟性孳孳勸人為善里中稱為郝古人講學弘運書院乙酉秋袖數金不別妻子逸去莫知所之

徐聰

按開封府志徐聰字博聞偃城人築亭灑上力行篤學苦節清修以廉孝聞母病思櫻桃非時無從得泣禱而行徬徨叢薄間得櫻桃以歸母食之愈人異之稱徐孝子以貢為醴泉訓導先行後文制外兼內久之士風丕變乃忻然喜曰吾志其行矣于是構齋植竹講說周孔微緒會乾州學官缺徵聰往攝之久之而乾之徒猶其徒也人始知其才醴泉飢餓參政出帑金千兩命聰賑之或問錢何捨縣而任學也錢曰聰也孝廉孝則不忍人廉則不受金久之復使攝縣事縣以之治亡何免去或咎之聰哂曰子謂我兀兀腐儒耶其歸灑上也年衰矣猶聚徒講說雖大寒暑弗輟也晚病目眚遇經生學士則繾綣竟日至今灑上稱恭儉饒直篤行航學必首聰云

高瑾

按開封府志高瑾祥符人孝友儉直喜誦書史嘗歲暮取出逋負見人多窘乏輒割券馳一空車歸人盡笑之子珣為東明丞強迎之官邸輒感額曰吾未嘗入公府乃今公府居耶本縣令得代去問瑾曰我孰與新令賢熟視久之曰君似弗如也令歎其直鄉閭

從化家居子弟輒趨拜却立里人假僮僕役使不復

關白其主人雞犬放猶一家數里之內淳風焉然妻

侯氏亦孝讓有幼子為嫂提殺之侯泣謂瑾曰吾

幸尚有珣奈何令伯氏無後卒出之獄嫂子以百金

詣瑾謝瑾不受詣侯謝侯亦不受曰吾利金而出汝

耶

耿垣

按懷慶府志耿垣字大器孟縣人好施予建穀旦侯村兩橋族人力不能完賦者代為辦納鄉里不能婚葬者出資以助何文定銘其墓曰富而好義汴梁張平山常繪宋郊渡蟻圖以贈

段相

按懷慶府志段相濟源人以布衣陰行善一日坐門內有負貸者趨起不敢過相窺其意起避之其人愧以息償不受疾革時遺麥本五百石悉燬其券孫國璋成進士曾元多以科名顯

孫士堯

按懷慶府志孫士堯河內人嘗侍母病三月不解帶見有持囊竊墜中果實者恐一揚聲即震懾墮樹下為弗見也者而過之年大祿有負者欲鬻子以償聞之燬其券

周公直

聶文秀 王忠 朱成

按懷慶府志周公直聶文秀王忠朱成俱修武人各出米麥豆一千一百五十石賑飢賜勅褒之

李用

按懷慶府志李用濟源人娶婦不慧父母欲更為娶用曰吾家不納鄉婦將誰歸後生七子二女以行義

見稱

吳江子

按南陽府志吳江裕州人性廉直有張璵者密寄銀一篋璵暴死江召其子如數與之子慙性至孝以父名江終身口不道江字與弟友愛生平好義樂施鄉大祿慈捐家貲以賑士大夫嘉其賢式廬而謁竟逃去不與見

譚澄

按南陽府志譚澄裕州人世業醫好施予見貧不能婚葬者輒罄貲以濟尤好掩枯骨活乞丐拯困恤孤一日有行客暴卒澄收葬其家人尋至又助費使扶柩還

傅一善

按汝寧府志傅一善字汝膺天性孝友襟期冲和為諸生試每冠軍三世同居事親備極色養親相繼逝水漿不入口七日惟恐墜先人緒堂兄弟欲析爨膏腴盡讓諸昆惟取其瘠鹵百畝供伏臘焉慷慨賑乏多方拯困又其夙性也村居課諸子讀書先以忠孝為根本仁讓誠樸為實行村間秀者力不能就塾恆代出束脩無愆容西南之鄙不數年列章縫者百餘人歲祿人有聚夥為盜既集諭實其詎曰我輩各自求食豈敢為人洩忿犯大賢之廬盡解去素孚鄉黨一時敬服比為鄭社云以子振商貴累贈正議大夫兵部尚書祀鄉賢

黃廷用

按汝寧府志黃廷用早失父事母盡孝好善樂施助婚聘喪者不可枚舉歲大祿有楚民申某道豪勢租

鬻妻以償用予金如其數不責券仍助以錢穀俾之營生又山寇竊發大兵進勦掠民子女有中表吳某一門被執公往贖之渠勒重賁竟破產無悔壽九十屢賓鄉飲邑令親造廬致禮焉

趙含玉

按汝州志趙含玉素多義氣豪俠自任流寇大亂公舉首領統率鄉兵防守城池後寇襲城王夜戰身亡圍圍賴以無恙邑人悼慟立祠知縣石可勵題其門聯曰一戰保孤城死之日猶生之年千秋留浩氣入其祠想見其人

趙若豹

按汝州志趙若豹字子變號阜所父科累試不售憤疾而卒胞兄若冰卒臨穎任中約為家務所累不復終舉子業撫姪若子皆借以成立孫光耀甫十齡訓之甚篤時有鬻子償債者立焚其券隆冬施煤施衣里有爭鬪必來取衷號義士焉

蕭湘

按汝州志蕭湘長子愚次子懋俱鴻臚寺序班七世同居監察嘉其義數請建坊旌表

王尚濟

按汝州志王尚濟天性醇厚好拯急難歲荒餓草盈野盡為收葬

李之矩

按汝州志李之矩庠生郊自大亂後白骨盈野矩目擊心愴盡拾而瘞之

王思齊

按汝州志王思齊進士王預父西客病寄金三百客

子來還之分金以報不受

馬國驥

按汝州志馬國驥城破流離實豐有友攜老母相投貧無資贈盡出其妻簪珥以濟俾得子母全活

李疑

按江寧府志李疑世居通濟門外家貧好周人急授童子經得粟自給不足則以六物推人休咎金華范景瀛為部吏隻身得疾無肯餽舍者杖而詣疑告曰不幸被疾人莫我容聞君義甚高願假榻疑延入泛室居之躬為煉藥煮糜旦夕問所苦既而漫失牀席穢不可近疑曰為浣滌不怠瀉涕曰累君矣恐不復生無以報德囊有白金四十餘兩在故旅邸願自取之疑辭不受瀉曰君不取亦為他人得耳何益疑遂同其里人偕往攜歸記其數而封識之瀉死疑出己財殯於聚寶山舉所封囊寄其里人家招其二子至按籍而還仍贖之以歸平陽耿子廉械逮京師其妻孕將育眾拒不納臥草中以號疑歸謂婦曰人孰無緩急倘為風露所襲則母子俱殞吾寧舍之而受禍俾婦邀歸產一男踰月辭去不取其報

卜璠

按江寧府志卜璠字樸菴江寧人生而慈仁濟人之急行年五十即不關家務日以施藥掩骼放生修路為事嘗卜地牛首山側中途見負戴者苦渴即以其資穿井井在鉄心橋至今行旅便之偶過一橋聞下有哭聲甚哀問之則夫婦逼于債攜幼子欲自盡也急捐金救之次年冬返吳江夜深舟覆攀船底應數十里得登岸至一人家叩門求濟門啓則昔之橋下

人也夫婦拜呼為具食燎衣易舟以行居恆教子孫以忠孝寬仁每取古人嘉言善行書於冊以誨之子鐘孫履吉皆掇巍科益諄諄以驕矜為誡濟人利物為勉壽八十有七自知逝期沐浴端坐呼家人拜別令念佛助行而逝身不少斂三日就殮面光如鏡

王指揮

按江寧府志孝義王指揮失其名世襲虎賁衛妻死不娶獨與母居孝養備至人皆稱為孝義王蓋重之也同官黃某遠謫久不通問妻貧不能存成國朱儀素愛指揮閱其喪偶欲以黃婦妻之召指揮語之故指揮不敢拒唯唯而已成國遂擇日歸之指揮雖處一室夜則各寢居數月成國聞之召訊其故指揮曰曩以主命不敢逆但與婦同寢其夫歸何以處之况彼失節是某失節也成國曰若爾則如之何指揮曰如兩全不若遣送謫所某家有老奴夫婦二人令伴送至彼可無虞矣成國歎賞久之亦賜金遣二人送至謫所夫婦重聚四方聞其事者皆稱之

徐遠

按江寧府志徐遠字文穆上元人平生以古人為法有友人寄一竹篋內藏白金奇玩其夜遠家失火友人已甘灰燼往探之遠於己物無所取獨抱此篋移置善地性耽書史所著有居學齋集

鄭典

按江寧府志鄭典為府學諸生訓童子於大中橋尹氏夜臥館中羣盜猝至斧主人門不得開猝典呼以入典不可盜以刃迫之典大言曰吾受主人請訓若子乃為若輩啓門以刼之此豈復有人理耶口不

可開也盜不得志掠典衣被而縛之逮明主人出乃解其縛人爭重之

杜環

按江寧府志杜環字叔循好學重然諾周人之急常主事允恭其父執也死于九江家破母張氏老無所依投卸交謝不納來金陵環驚泣率妻子拜留家貧賤勉敬事如母母性褊急少不愜輒詬怒環戒家人順之勿慢如是者十年母有幼子伯章失所在念之成疾環以事至嘉興遇伯章具以語踰半載始來值環初度母子相持大哭家人忘之環曰此人至情何傷伯章貧乏又度母老不能行竟托故捨去母疾增劇環事之彌謹又三年卒將死舉手向環曰吾累杜君吾累杜君願杜君生子孫賢如杜君言訖而絕環爲治葬且時祀焉環後爲晉府錄事太常寺丞

武响

按江寧府志武响號橙墩溧水人家金陵富而好學能仗義有族人負一王孫千金王孫禁之別室而邀响飲伴令僕洩其語响投袂起曰族人被禁索通而响高坐歡飲豈有人理乎即代償亦易耳何見辱之深也乃縱其族人去歸謀諸婦盡假其簪珥之屬以與王孫曰此可直八百金餘續完納聞者義之响有妾蘇氏善持家嘗宴客失金杯一隻諸僕驚索蘇氏曰無容覓已收入矣客去謂响曰杯實亡去然公平日好客任俠豈可以一杯之故而令坐客不歡乎响善其言

李景星

按江寧府志李景星字應德上元人爲諸生篤志經

訓修孝弟之行與人交能急人之難不計小怨閭里稱其篤行貢入太學卒

李曉

按江寧府志李曉字子晦江寧人以資游成均授嵯縣丞當督輸却例金不取進瀋陽衛經歷曉事親孝母病侍湯藥不懈生平赴義好拯人於急師蔣某旅卒家貧曉經紀逆其喪歸葬之遊太學同舍姚生遺其袖中金爲曉所得候其人歸焉里中稱爲鶴山先生著有賓柳亭稿

徐鯨

按江寧府志徐鯨字樂野本上海人好施予嘗獨修方正學祠墓及安德門至新亭岡大道捐貲募工便於行旅孫行字昭卿事親孝與友信終身不二邑善著述兼通奇門六壬之術晚年婚嫁畢家漸落倘徉里社安之若素云

何岳

按江寧府志何岳字畏齋畱守衛籍嘗夜行拾遺金二百錢不與家人言明晨攜至故處有尋至者問其數目封識皆合遂以還之其人欲分數金爲謝岳曰拾金而不敢隱豈利數金者乎其人感謝而去又嘗授經官室值主人以事入都寄一箱於岳中有數百金曰俟遣人來取去數年絕不通問適其姪以他事至因託之寄還

高仲光

按江寧府志高仲光豹韜衛世職大司馬遣齋疏入都行至山東投旅邸得遺金一囊約三百餘金因解鞍秣馬以待次日客始尋至且泣且訴仲光取付

之各問姓名而別先是仲光踰四十無子嗣後生四子長名居仁中萬曆辛丑武進士

劉蒼

按江寧府志劉蒼字伯春鷹揚衛千戶九歲嗣官十五歲入武學篤志刻勵每晨起讀將鑑一篇始進食通小學四書史略七經諸籍又能書常得遺牒於道乃解戶所領千金部收也蒼候其地三日其人乃號呼來覓蒼舉與之其人泥首請以數金酬蒼笑而不受自以位卑不克行其志乃擇師教子於時有趙經者亦千戶也明經而習舉子業遵禮尚志跬步不苟蒼以爲賢遣子麟師事之每獲折俸布帛必以帛進先生而以布自衣經念麟貧不受蒼曰不贊何以遣吾子麟卒成進士爲名臣經之父曰趙端蒼尊行也敦廉節不妄交獨敬重蒼一日與蒼過其家命家人具饌以食而饌不時具蒼退端怒欲出子婦麟時從學經家奔告蒼蒼來曰朋友與家室孰重以小故黜之如爾孫何端始解復具饌歡飲而罷其見敬禮如此指揮吳英孤介自守喜蒼同志每從晰疑義及麟舉進士謁英英呼之曰善承爾父志無墨以貽羞否則雖官卿相吾不復見矣又指揮龔海子經爲前輩甘貧好學年七十矣揭業以賣不二價好讀孟子每從經聽講必正講席而已旁聽之

王馮

按江寧府志王馮字杲青芝瑞子至性過人豪爽有大節芝瑞死王事藁葬瑞州西郊之梅菴馮家赤貧徒跣奔迎經營踰年開闢萬里奉柩以歸時六合潘士奇與芝瑞同官同志同患難同葬梅菴馮載與俱

歸方起觀時見菴側更有兩棺暴牆隅詢之菴僧曰此故廣東直指顧之俊及其父棺也之俊與芝瑞為患難交瑞殉時之俊為經紀其喪馮嘗從遊壁讀之俊文心儀之至是悲感不勝乃葬之俊父於己父壙葬之後於潘公壙各碣其墓而表誌之

施美玉

按蘇州府志施美玉字邦珍崇明人奉親竭力親喪廬墓側日讀孝經不尚浮屠一遵文公家禮有友周陳二生以財構隙密為代償兩不使知後覺二人深媿謝又一日乘驢出城索膳夫銀一貧民鬻男得金償之美玉急返銀令贖男歸終不責取為膠州判催科不擾逋民亡竄者復歸不久致政慕靖節風自號半陶子

鍾士奇

按蘇州府志鍾士奇吳縣人幼有遠志數歲能屬文閱史傳慕諸葛亮傲其木牛流馬之法盤走几上或見謂不祥遽毀之試輒高等不售志愈奮親朋知其貧多餽遺怫然起置之道或投之水曰吾豈受人憐者耶因嘗催科急質衣得一金赴納遽遺之撫掌大笑人謂曰君失金何樂爾爾曰吾為得金者樂也其襟懷如此

李崧

按蘇州府志李崧嘉定龔氏乳媼之夫也媼死所乳兒僅五歲而父為家奴所賊有欲殺兒而有其產者崧夜負以逃及城門閉崧跪而長號門者哀而出之走雪中五日夜依兒外家沈氏因旦夕護兒後成進士念崧舊恩不置而崧短衣力作如窮時龔氏兒

即方伯錫爵也崧老死無子錫爵命子孫世祀之勿替

徐思仁

按蘇州府志徐思仁字元之吳縣人性倜儻不治生產父言好施予思仁曲意承之母病侍奉湯藥累月不解衣帶待兩弟均財任勞友愛備至時有賑恤常密遺之不令人知里中某繫獄贖贖無措其子行哭於市思仁解囊代輸得釋值颶風漂沒大舟思仁急命僕挽救全活多人有富人從婚議以儒生來思仁不許儒生伴以子償思仁竟欣然納之儒死竟如初約仍訓育以底于成居平課子嚴而有法戒曰毋自擇利先己後人諸子奉為家訓會倭變起思仁督鄉兵保障饗士卒費無算亦用是勞感疾疾少閒禮岱宗竟道卒

王芳

按蘇州府志王芳字尚義太倉人嘗訪友小直沽適慈谿費廷槐字仲津病臥邸舍芳與語歎曰奇士胡自困移至寓具藥餌將護陪之明春與同舟還夜夢費墮橋下拯不得晨起焚香祝天病良已又已病便溺狼籍市窺岳親為滌除費泣曰吾何以報公至潤洲易輕舸欲抵蘇州就醫次呂城病革泣謂芳曰生平心事百不一申天乎已矣倘埋道旁乞書慈谿費廷槐不瞑之柩言脫而逝芳呼仲津達士胡為梓化摩其眦不瞑乃枕尸於股曰四海一家誰非兄弟骨肉弗面命也君有四弟兩兒親養有託毋更戚戚喉間若有聲目漸瞑匿尸三日舟人不覺抵虎丘營棺衾手浴含殮厝半塘僧舍計其家逾月父至時環

寺門觀者嘖嘖嘆有隕涕者

馮篤初

按蘇州府志馮篤初字谷華南潯人世有隱德篤初以教授為業有士子將與計偕路遠無資泊河濱詢其未舉子欲有所納乃以己女給為女奴鬻之入夜往就焉詢知為士人女明即返之曰吾士人敢妾公女耶愧謝去後徙居南京至孫定舉進士為御史人以為厚德之報

張曉初

按蘇州府志張曉初吳縣人無子息求良家女有女始來言某二女皆有貌惟所擇既以厚貲娶之見其舉止疑焉叩其父乃教官沒喪不能歸售女備行李曉初憫焉欲返之則已發乃令妻善撫為擇壻嫁之曉初後生子習舉進士

翟輩

按江寧府志翟輩字去文京衛人幼負雋才庠序目為白眉父時舉仕至參戎輩賦性冷峭不妄言笑羣居燕集衆喙爭鳴輩獨默然時然後語痛闢禍棄妻孥與同志王生繼日入深山坎壈以死王生授室未久委妻子行人尤矜其志云

黃老人

按江寧府志黃老人江寧庠生黃清家隸也清以文學名讀書寺中挾老人與俱老人烹炊灑掃曲當主人意清遽疾不起家徒壁立兩子弱不能辦終事老人躡蹻悲號曰此老僕之責也夙夜拮据衣食棺殮皆盡誠敬黃氏貧不能育老人乃脫身外出為傭每旬朔必謁主母問安否所得傭直悉以供饋粥值春

秋伏臘則買豚蹄斗酒走墓上哭奠盡哀或以他故不得往則遙望哭爵見者傷心清家有數喪未葬老人減削衣食踵告於清之親友醵錢懸封而旋葬焉備於王生禹助家勤慎一如事清病將革生慰之曰汝無憂吾將置棺以窆汝笑而謝曰無庸也一簣條足矣其達生又如此

張準

按蘇州府志張準字元平昶仲子習舉子業垂成父客都下馳書召之即投業而往有常清者與共事貿易準什一中分其息猶以為未足訟於官不勝又嗾戚屬之豪者劓其肆而據之準即行避焉其人兩遇寇悉喪所有準獨無恙痛母胡早世事繼母王以孝聞王年九十六而沒一日方哺食有僕歸自都下報車覆計所失五百金飲啖如故聞仲子取解北畿家人未見其動色時錢法不行郡守胡繼宗將峻治高準之行邀之坐而問政焉嘆曰有德之言也遂爾緩之

錢顯忠

按蘇州府志錢顯忠字蓋侯常熟人祖泮禦倭死見忠義傳顯忠幼孤有志節好讀書善屬文提學王某閱其文稱其命筆有先經起義之美至今文士茲誦其文以為法事祖母母至孝還浙人遺金三百兩遇親族患難周卹不遺餘力品行為鄉里推重

馬瑤

按蘇州府志馬瑤長洲人事母孫盡孝傷其配故以家衰殫瘁致死矢不重娶所親以瑤尚少勸之置妾不得已畜一女奴已而嫁之猶處于也一時義聲聞

里黨聞有司遂以應詔節婦孝子有之矣義夫旌者自瑤始

薛鑄

按蘇州府志薛鑄吳縣木瀆鎮老人坐申明亭聽斷一離婚事鑄吐其婦翁曰何故議離云墾流落貧甚不堪也鑄曰若既欲離罰出十金翁欣然取十金來曰求一休婚書鑄曰且未即時令人至家更取十金共付墾曰速擇日成親婦翁頓足曰曷為罰吾金而復婚之鑄曰若嫌墾貧耳今有二十金可成禮生業婦翁語塞其墾叩謝去

潘煉

按蘇州府志潘煉吳縣人家胥湖善治生有隱德喜周卹貧困一日貸村民數金往索其妻頗艷婉辭夫出未歸如是者再煉察其夫從未遠出詰之妻曰夫無以償金願以妾事君屢見君不動夫嗔筆楚者數矣君長者奈何不憐言已涕泣煉驚去不復索金後遇夫諭曰汝貧何遠至此更與數金生息其人感謝已而果舉息倍併償前金時煉有母願年九十將為母壽稱觴病劇不能母以子病憂卒煉痛哭不勝亦卒母子並死於慈孝

施鳳

按蘇州府志施鳳字鳴陽隨祖商淮陰勤誦讀以所業質倪文信謙文信驚曰從游者多矣好古不同流俗惟鳳一人鳳益潛心理學歸吳提學御史戴珊敦遣入試以病辭錢學士溥以經明行修薦亦不就隱居教授終其身鳳食貧殯行不以千人敝袴破帷不易亦不垢孝友恭慎家人輩皆化焉初鄉有狂悖數

犯鳳凰不較益厚之鄉人輒悔改嘗構亭於松竹間客至相與宴飲怡然自適咸稱為東岡高士

孔尚質

按蘇州府志孔尚質字有功吳江人性狷介遇富貴人輒避去見狎侮驚嫚者拂衣恐浼會拾遺金於道候其人還之喜涉獵諸史百家集古今佳言以訓子孫名蒙訓要略

沈圖南

按蘇州府志沈圖南字九萬吳縣人父練絲織縞業頗殷圖南結客慕義游仍徭役家坐窘有朱氏子者縣報長賦謀之圖南圖南所從師楊某方鄉舉朱以數十金托圖南使楊祈解於縣楊約一同姓鄉舉共詣自役未全釋而令去任朱疑受金者給之訟于巡撫陳祥巡按魏有本下府鞫圖南謂師曰師仕有階烏可以賄故廢弟子編氓也坐賊罪不過配願獨承之又語其同姓曰君佐吾師行非仇所欲甘心者可出避吾當證君不與耳及坐獄皆如言問誰受金圖南曰獨吾利之更撈掠言如初獻上御史報決時都御史性苛與御史有隙欲反之移更訊圖南備受毒刑言終不異御史怒朱之詐也斃於杖下於是兩臺各上奏相詆命四府會鞫密攝圖南至江中雜問之筆掠流血卒無異辭獄成具奏而都御史竟聽勘去成江南一大獄當是時使圖南稍有依違則朱之斃為不辜御史且得罪矣乃以一屏民抗撫臺保二鄉舉全一御史死且不同既引賊伏法又獄經屢訊圖南驚產且盡終以棄卒後楊以謁選客死其同姓者登第為要職不一存問圖南且諱而忘之圖南雖貧